

## Vekirin û danana berê binyatî bo çend pirojeyan li deverên qeza Sêmêlê û nahiya Zawîte



Amadekirin: Mizgîn Doskî

**L**i dû bernameyê hukûmeta herêma Kurdistanê bo gehandina pirojeyên xizmetkarî bo hemû xelkê parêzgehê, li roja 4/9/2007ê bi amadebûna Temer Remezan parêzgerê duhokê û qaymçamê qeza Sêmêlê û çend rêveberên dezgehên mîrî, çend piroje hatine vekirin û berê binyatî bo çend pirojeyên nû li senterê qeza Sêmêlê hatine danan û bi vî rengî: -

1 -Vekirina pirojeyê overpasa dergehê Sêmêlê, piroje bi piştevaniya hukûmeta herêma Kurdistanê û bi bihayê (2) miliyon û (600) hizar dolaran hatiye bi cih înan, overpasê giringiya xwe heye bo bi sanahîkirina hatin û çûnê li çaryana dergehê Sêmêlê û dê bibe hokar bo kêmkirina rûdanên hatin û çûnê.

2 -Seredana bingehê saxlemiyê li komelgeha miswîrîkê, piroje gehiştîye qonaxên dûmahiyê û di maweyê heyvekê da pêdivyên bingehî ji derman û navmaliyê dê hêne dabînkirin û dê bikeve di xizmeta xelkê komelgehê da, bingeh bi piştevaniya diravî ya hukûmeta herêma Kurdistanê hatiye avakirin, bi bihayê (1) milyan û (360) milyan dînan.

3 -Danana berê binyatî bo avrêjên taxê qesrênzer li Sêmêlê, dirêjiya pirojeyî (1150) mêtir, bihayê pirojeyî (1) milyan û (83) milyan dînar e, piroje li ser bodceya hukûmeta herêmê dê hête bi cih înan, biryar e di maweyê salekê da, bi dûmahî bihê.

4 -Danana berê binyatî bo avrêjên taxê fereşîn li Sêmêlê dirêjiya pirojey (825) mêtir, bihayê pirojey (568) milyan dînar e li ser bodceya hukûmeta herêma Kurdistanê dê hête bi cih înan.

5 -Danana berê binyatî bo çêkirina rêka giştî ya cihê şuştina

*calaki*  
tirumbêlan li rojhelatê qezayê, dirêjiya rêkê 625 mêtir û firehiya wê 20m, bihayê pirojeyî (138) milyon dînar e piroje li ser bodceya hukûmeta herêma Kurdistanê dê hête çêkirin û qêrikirin, biriyar e di maweyê 240 roja da bi dûmahî bihê.

Biryar li ser çêkirina overpasa çaryana Aloka hate dan

Bo dûçûna pirojeyên xizmetkarî li sinorê qeza Sêmêlê li roja 16/9/2007 parêzgerê Duhokê di gelda qaymqamê qeza Sêmêlê û çend rêveberên fermangehên peywendîdar sera pirojeyê çêkirina rêka komelgeha pîşesazî li devera kiwaşê da û ji nêzîk sehkiye qonaxên bi cih înanê.

Dirêjiya rêkê 6700m hemû dê hête qêrikirin, zêdebarî cadeyên navxweyî ku dirêjiya wan 2280m bihayê pirojey (3) milyar û (520) milyon dînar e bi serperştiya bajêrivanyên parêzgehê dihête bi cih înan.

\* paş parêzgerî û yên di gel da, sera pirojeyê overpasa çaryana Aloka da û biryar da ku dest bi çêkirina wê bihête kirin.

\*\* her wesa sera pirojeyê avakirina xanyên qereça li di vera Domîz hatedan û sehkiye qonaxên dûmahyê yên avakirinê, 95% bi dûmahî hatiye, hukûmeta herêma Kurdistanê (4) milyar û (356) milyon dînar bo avakirina wan xaniya terxankirîne.

\*\*\* paş sera pirojeyê avakirina (88) xaniya bo kurdên awareyên Sûriyê li devera Domîz da û sehkiye qonaxên dûmahyê yên karî.

Hukûmeta herêmê (2) milyar û (228) milyon dînar bo avakirina wan terxankirîne piroje ji avakirinê bi dûmahî hatiye û nuke xizmetkaryên dî wek kareb û av bo dihêne dabînkirin.

